

顏氏世家譜序

繕嘗讀禮而知古宗法之立
所以合姓綴食而收族焉其
法有大宗有小宗大宗百世
不遷小宗五世而遷支別派
分各有統繫程子曰欲厚風

顏氏族譜

序

一

俗須明譜系自古士大夫家
莫不講明切究如廬陵歐陽
譜眉山蘓氏譜皆有端緒可
尋然僅等諸曉星之落落謂
自封建廢而族姓混淆也周
禮小史掌邦國之志莫繫世

辨昭穆而同閭接畝之人舉
相親睦信順凡以使大宗小
宗皆受命於宗子而悍戾爭
鬪之風無自而起唐宋而後
古宗法之立問猶有存焉者
乎蓋井田廢而天下鮮善俗

宗法廢而天下無世家三代
以來求其歷古及今由百世
之下而知百世之上察統系
之異同辨傳乘之久近叙親
疏定尊卑收渙散敦雍睦能
存古宗法之遺意者孔族以

外惟我顏氏粵稽顏氏肇自
黃帝盛於祖淵名公偉人代
有作者舊譜載之甚悉慨自
五季喪亂半就播遷編輯莫
及致足傷耳而若中州若廣
川若京兆雖尙僅存碩果敢
云非我族類乎自我
復聖祖以下單傳者二十二世
歷傳至五十六代其間不無
盛衰而有傳者惟之美等十
五公迄今瓜瓞綿延徧於陋
巷顏氏子孫莫盛於此分爲

一十六戶其餘徙居他方者
繼繼繩繩亦皆有木本水源
之思故各有支譜然既各爲
一枝則各修支譜均按三十
年一小修六十年一大修及
時繕就草譜呈請校正付之
剖劂加以鈐記世守勿替以
昭誠敬此卽禮經所謂五世
則遷之小宗也庶後世子孫
睹斯譜者咸知派衍東魯誰
爲繼其高祖誰爲繼其曾祖
誰爲繼其祖禰而世代並分

源流聯貫不至有典文不足
之嘆是則執宗盟者所爲望
其及時加修以昭世守則爲
親親以闡逸德則爲賢賢時
惕然於古宗法之不廢而瞻
睠於收族之意也夫

顏氏族譜

序

五

民國二年歲次癸丑春三月
旣望七十六代孫應襲翰林
院五經博士加四級景墳謹

序

優復恩例

漢高祖十二年東巡以太牢祀孔子以顏子配享孔
顏子孫皆賜金二貫恩例齊民優復自此始也

明帝永平十五年東巡至魯幸孔子宅祠及顏子

恤孔顏子孫

章帝元和二年幸魯以太牢祀孔氏以顏子配享
作六代之樂大會孔顏子孫六十餘人恩例齊
民優恤愈隆

顏氏族譜

恩例

唐太宗貞觀元年詔免聖賢子孫賦役

玄宗開元十三年詔顏氏子孫並免賦役

宋真宗祥符元年駕幸闕里釋奠先師恩詔賦役俱
免

金章宗明昌五年詔先師堯國公後免賦役
元太宗九年詔顏氏子孫奉上絲綿顏色稅石賦役
大小差發並行蠲免

延祐元年十一月二十日奉

肯充國公後凡稅石差發依例蠲免

泰定二年撥賜勝縣湖一區以供顏氏春秋祭祀
族田三頃稅糧以額例輕於百姓並無差發

世祖至元二年恩詔顏氏子孫並免賦役

成宗大德二年九月以充國公子孫地稅大小差
發盡行豁免不屬州縣所管

中統三年以楊庸充廟學教授訓誨孔顏孟氏子
孫精通經術繼聖賢之業而差發不擾並示優

顏氏族譜

恩例

二

崇

明洪武元年十二月十九日詔顏氏子孫差役俱免
洪武十八年冬十一月特免聖賢子孫有罪者依
例釋之

正統七年復聖五十九代孫顏希仁奏請詔令顏
氏子孫並免差役且又憫其流散而錫之官念
其放逸而賜之田宗嫡代襲詞林支庶優免徭
役優崇聖裔之典備矣

正德己巳秋七月詔免顏氏子孫田租丁徭
景泰六年都察院左僉都御史徐有貞請撥祭田
於顏其詞曰學聖不倦教世無窮惟顏之德誰
與比隆異端以闢正道以通惟孟之功誰與比
崇次曰奉

旨賜奈田以供粢盛蠲徭役以優貧族崇德重道比
之前代愈加隆矣

崇禎二年山東巡按監察御史王 詳尤顏氏免

顏氏族譜

恩例

三

一切雜差

國朝順治元年

恩詔凡聖門典例俱應相沿期於優渥欽此欽遵
順治七年翰林院五經博士顏紹緒等具呈 戶
部請照例優免奉批司查例移咨直省總督張
東撫部院夏 確查五經博士宗族以及廟丁
禮生俱有優免差徭定例蒙准相應行文遵照

在案

順治十七年均地照舊例蠲免

康熙四年均地照舊例蠲免

康熙二十二年七月內曲阜縣陳見智等以曲儒
多民少舊有酌免之例公懇照例詳蒙撫河兩
院准照舊例蠲免

康熙四十七年蒙山東撫部院趙行文一切雜差
遵照部文內蠲免

康熙四十九年五經博士孔傳誌等呈請照例蠲

顏氏族譜

恩例

四

免一切地畝雜項差徭蒙 戶部移咨東撫嚴
加申飭遵照在案

乾隆二十年將四氏後裔一切地畝雜項差徭之
處概行蠲免

欽命署理山東等處承宣布政使司按察使司加二
級紀錄八次張爲重申

恩例嚴禁擾累差徭事順治十三年山東前布政使

司奉山東前撫部院耿 准 戶部咨查

先聖先賢四氏後裔以及廟佃兩戶原與齊民有別
凡一切差徭概行蠲免等因久經遵行在案第
恐日久弊生間有書役妄行滋擾之處深爲未
便合再申飭爲此示仰該州縣並書役人等知
悉凡

先聖先賢四氏後裔以及廟佃兩戶嗣後遵照舊例
遇有差徭一體蠲免如有妄行擾累者一經告
發除將舞弊書役嚴行究治外定將該州縣嚴
恩例

恭以示儆戒决不寬貸各宜凜遵毋違特示

嘉慶二十二年十一月十六日示

顏氏世及行輩

一立行輩所以序昭穆別尊卑也吾族人丁既衆
散處不一惟依行輩命名則世代分明序次不紊
宜將六十代以下擬定行輩吉字挨次開載俾共
遵循

公重從嗣亂伯光紹懋崇
懷士錫振承景世廷秉培
克建永沛昭啟裕顯兆守

顏氏族譜

行輩

又五

分編十六戶名

大宗戶 陶村戶 泗南戶 龍灣戶 泗上戶
泗臯戶 嵩山戶 萃溪戶 巧泉戶 坊上戶
臨泗戶 泗東戶 漢下戶 陶樂戶 防山戶
五全戶

七十六代孫宗子景墮附識

姓源

顏氏之先出自黃帝黃帝生昌意昌意生帝高陽
帝高陽生稱稱生卷章卷章生吳回吳回生陸終
陸終生六子其五曰晏安爲曹姓國于邾歷唐虞
夏商不能紀其傳周武王克商因封其裔孫挾爲
小邾子挾生非非生成成生車輔車輔生將新將
新生訾父訾父生夷甫字伯顏謚武公春秋邾武
公爲魯之附庸故公羊傳稱顏公有功於齊齊威
公命爲小邾子別封其子友於鄖子孫以父字爲
姓氏以其附庸於魯故代代仕魯爲鄉大夫夷甫
生友友生夾夾生連連生噭噭生鳴皆魯大夫鳴生音
爲司寇音生羽羽生訓訓生簡簡生箱皆魯大夫箱生
廸廸生景景生整整生恤恤生求皆爲司寇求生無繇
無繇字路師事孔子爲魯鄉士唐玄宗開元二十七年贈杞伯宋真宗大中祥符二年進封曲阜侯元順帝元統三年進封杞國公謚文裕娶齊國姜氏夫人謚端獻誕育

復聖顏子

顏氏嫡裔世家支譜

六代

顏子諱回字子淵爲孔門高第德冠四科唐太宗貞觀二年尊爲先師高宗總章元年贈太子少師睿宗太極元年贈太子太師玄宗開元二十七年追贈先師堯公宋真宗祥符二年進封堯國公元順帝元統三年加封堯國復聖公夫人戴氏謚貞素明嘉靖十二年改謚復聖顏子娶宋國戴氏生子欽

顏氏族譜

世系

一

七代

欽字子林爲曾大夫娶齊國姜氏
一子儉元泰定三年從祀配享

八代

儉魯大夫一子威泰定三年從祀配享

九代

威魯下大夫一子荅

五代

荅魯下大夫一子億

六代

億 魯大夫一子帖

七代

帖 魯大夫一子郢

八代

郢 字伯仲秦大夫一子譽

九代

譽 秦舍人一子產

顏氏族譜

世系

十代

產 項羽聞其名聘之不受一子異

十一代

異 字世仁漢大夫一子愚

十二代

愚 漢卿士一子達

十三代

達 漢大夫一子糴

十四代

糴一作肆字季達漢武帝尚書郎
糴會稽都尉書傳作駟一子衷

肆

十五代

衷一作忠郡工曹從事鞏令一子凱

十六代

凱字季卿張禹荐於朝爲安成太守一子遂

十七代

遂字景深郡上計吏一子龠

十八代

世系

三

龠字茂宗舉茂才一子綽

十九代

綽字參道爲太守一子準

二十代

準始仕爲從事復高尙不仕一子阮

二十一代

阮字懷珍舉有道爲著作郎一子亮

二十二代

亮字世明爲郡督郵見冀州刺史王統碑一子敷

二十三代

敷字士榮舉茂才至御史大夫二子斐盛

二十四代

斐字京兆尹有善政二子魯歡無傳

盛字叔臺一字叔震漢尙書郎魏歷青徐二州刺史爲關內侯代傳孝恭因號其居爲孝弟里卒葬臨沂縣西七里今屬費縣宋元祐七年詔禁樵採子四欽曾興士光

顏氏族譜

世系

四

二十五代

欽字公若明詩書禮易爲尙書多所貫通學者宗欽之歷中郎司馬大中大夫東莞廣陵太守給事中引直禁省葛繹子謐曰貞七子默平協雅閔永考

二十六代

默字靜伯汝陰太守護軍將軍給事中襲葛繹縣唐大歷五年四十代孫真卿立碑於汝州三子畿輦含長次皆無傳

二十七代

含字弘都以孝聞晉成帝羨其素行加右光祿大夫致仕門施行馬賜床帳被禱敕官四時致膳

固辭不受公所歷簡而有恩明而能斷以威風

御下王導嘆曰顏公在事吳人歛手矣致仕二

十餘年享年九十有三

謚曰靖侯子三髦謙約

二十八代

髦字君道淳於學行父喪在殯鄰家失火與二弟謙約抱棺呼號熛燭垂至忽爾頓息人以爲孝

感儀狀嚴整風度端凝桓公見而嘆曰顏侍中廊廟之望也歷太尉西陽王散騎將軍尚書都

官郎中大中正給事黃門侍郎襲爵西平侯本州大中正加秩中二千石光祿勳謚曰定子六

紂綸矯

朗暢紹

二十九代

顏氏族譜

世系

五

世系

紂字文和州西散騎都尉爲
紂西平侯生子二靖之秉之

三十一代

靖之字茂宗郡主簿西中郎行參軍宣城太守司徒咨議大夫御史中丞三子騰之遵之恭之

三十二代

騰之字宏道善草隸書有風格歷西曹州主簿度支校尉治書御史巴陵太守五子興之炳之

泰之吾

昌思過

三十三代

興之安寧太守一子登

炳之

字書豹以能書稱歷輔國江夏王泰軍奉朝請員外散騎常侍子二見遠宣仁

三十三代

登字康之梁鄱陽王府郎中無傳

見遠

方正不混於俗博學有志行正色立朝有當官之稱梁高祖受禪不食發憤痛哭歷安成

王侍郎征西泰軍治書
御史兼中丞一子協

三十四代

協字子和湘東王右常侍領西記室撰晉仙傳五篇日月災異圖二卷文集二十卷事具梁書生子四之儀之推之奇之善

顏氏族譜

世系

六

三十五代

之儀

字子升周麟趾學士御史大夫隋文輔政不署矯詔索璽書又拒之出爲新野郡公時朝

朔望引至御榻前曰見危受命臨大節而不可奪古人所重何以加卿事具周書卒年四十五

子二子
子二子
子二子

祚無傳

之推

字子介湘東王右常侍隋太子文學著家訓二十篇冤魂志三卷證俗音字五卷文集三十

卷事具周書三子思魯愍楚游秦

三十六代

思魯

字孔歸博學善屬文尤工詁訓常與劉臻講論經義臻屈服焉歷隋秘書省校書郎長寧

王侍讀將軍唐師入關率子弟迎於長春宮拜
儀同秦府記室娶陳郡殷氏子四師古相時勤
德禮育

三十七代

師古

隋安陽南海二尉唐師入關授朝散大夫遷
起居中書二舍人太宗即位拜侍郎卿耶男

奉詔校定經史修五禮成進爵子終秘書監銀
青光祿大夫弘文崇文館學士從征遼道卒謚

曰戴一

子趨庭

三十八代

趨庭

字茂實文皇帝挽郎授朝散大夫職方郎吉
州刺史子一尚賓

顏氏族譜

世系

七

三十九代

尚賓

右率府親衛郴州司功監州錄事下郵令子
一鼎

四十代

鼎一子迢

四十一代

超一子傳贊

四十二代

傳贊一子昊

四十二代

晏五子君則君佐君推君信君立長子君則無後

四十四代

君佐爲金鄉丞一子文威

四十五代

文威五代隱魯之嶧山號虛中先生有文集行於世子一承祐

四十六代

承祐二子崇德仲昌崇德無傳

顏氏族譜

世系

八

四十七代

仲昌淳化二年講五經賜南京判官贈太子少保子四太初太易太元太冲

四十八代

太初字醇之南京國子監說書號鳬繹先生有文集行於世以孫岐任執政贈太子太傅子三

復公
弼隨

四十九代

復字長道東魯名儒賜進士乞詔禮官考正祀典

復遷吏部員外郎元祐中爲起居郎兼侍讀以天

章閣待制充國子監祭酒子六峽岐嶠崿崿

五代

嶢承務郎無傳

岐字夷仲詔察孝弟詞學士出身門下侍郎資政殿大學士奉政大夫爲魯郡侯建炎二年南徒

以從堂弟昌次子擎繼嗣爲宗

五十一代

擎子一价

五十二代

价一子順

五十三代

顏氏族譜世系

九

五十四代

順二子寶進

五十五代

寶子四和祐椿敬和祐係椿庶兄至五十五代叙在椿支後

五十六代

椿中書工部劄符監修祖廟提領主奉祀事子二之才之美

五十七代

之才字宗藝衛輝

府學正無傳

之美

字宗德天成縣教諭益都路學正廬州府教授山陽縣主簿文林郎東明縣尹主奉祀事

子三渙瀼池

渙瀼俱無傳

五十七代

池

字德裕歷山陽縣主簿宣德府教授三氏學教授主奉祀事子二拳幹

五十八代

拳

字克膺主奉祀事一子希仁

五十九代

希仁

字士元號景哲先生正統十一年欽定主奉祀事奉修祖廟御批鼎新權奸阻撓以致停

顏氏族譜

世系

十

建志竟未遠辨証宗嫡二十餘年聖斷明終有

所歸子四議讚論諭

六十代

議

字定伯授翰林院五經博士成化元年駕幸太學欽取陪祀賜衣一襲賜宴禮部又賜第宅於

京入觀馳驛永著爲例

予三公鉉公銅公鉞

六十一代

公訥

字宗器世襲翰林院五經博士主奉祀弘治正德政元駕幸太學欽取陪祀賜衣賜宴賜

筆墨事蹟見志銘墓表五子

重德重禮重道重賢重式

鉉

六十二代

重德

字尙本號西莊先生世襲翰林院五經博士

衣賜宴事

見志銘子
二從祖從厚俱無傳

重禮

嘉興縣丞子二肇先肇黃

六十三代

從祖

字守嗣翰林院五經博士主奉祀事嘉靖十
二年駕幸太學欽取陪祀賜衣賜宴無傳以

重禮長子

肇先爲宗

肇先

字啟元襲翰林院五經博士主奉祀事隆慶
元年駕幸太學欽取陪祀賜衣賜宴子四嗣

慎

慎嗣恂嗣

恒嗣惟

顏氏族譜

世系

十一

六十四代

嗣慎

字用修號敬亭襲翰林院五經博士主奉祀
事萬曆四年駕幸太學欽取陪祀賜衣賜宴

封

修職郎子三

胤宗胤祚胤祿

六十五代

胤宗

字養蒙未襲早卒贈修職郎子二伯貞伯廉

胤祚

字永錫號新吾因兄早逝代襲翰林院五經
博士主奉祀事子四伯華伯偉伯秀伯潤

六十六代

伯貞

字叔節號建中襲翰林院五經博士主奉祀
事封修職郎子二光魯光晉

六十七代

光魯

字宗旦號師周世襲翰林院五經博士主奉祀事天啟崇禎二改元駕幸太學欽取陪祀

賜衣賜宴三子

紹統紹緒紹徽

六十八代

紹緒

字振宗號硯右崇禎十四年八月因兄統病故無後具題照兄終弟及例襲翰林院五經

博士主奉祀事本年駕幸太學欽取陪祀賜衣

賜宴至我朝改授內弘文院世襲五經博士

順治九年駕幸太學欽取陪祀賜衣賜宴六

子懋衡懋行懋修懋徵懋健懋值

六十九代

顏氏族譜

世系

十二

懋衡

字以玉號向九世襲翰林院五經博士主奉祀事康熙八年駕幸太學行取陪祀賜宴

禮部二十三年駕幸闕里行取陪祀賜書賜

補員恩加二級子四崇文崇敷崇廠崇敦

七十代

崇文

於康熙三十年未襲病故無後

崇敷

字化南號松堂因兄早逝具題照兄終弟及之例襲翰林院五經博士主奉祀事康熙五

十二年 賞恩加一級

子三懷禮懷禪懷禧

七十一代

懷禮

字子真號約亭廩生世襲翰林院五經博士主奉祀事少年聰慧岐嶷讀書目數行下偶

應童子試時琨圃黃公視學笑謂曰君生而翰苑欲與寒士攬奪耶公唯唯謝曰竊聞上世亦有進士襲者非敢望也承襲後遜士時敏猶昔日以孝友聞卒年三十二無子以弟懷禪長子

士採爲嗣

懷禪

字彥賓號鳧亭因兄故具題代襲雍正八年御墨貯緞貂皮乾隆二年駕幸太學行取陪祀賜樂善堂十三年幸魯欽取陪祀賜宴行宮觀御樂賜唐宋文醡朱子全書二十一年幸魯陪祀賜宴行宮賜袴緞子二士塚士培

第十二代

士塚

字慶田襲翰林院五經博士子一錫嘏

顏氏族譜

世系

十三

第十三代

士塚

字眉峯襲翰林院五經博士道光三年駕

錫嘏

字眉峯襲翰林院五經博士咸豐三年駕

幸太學欽取陪祀賜墨賜貂皮子振佑振吉

第十四代

振佑

應襲早卒嗣子承裔

第十五代

振吉

字幼謙代襲翰林院五經博士咸豐三年駕

幸太學欽取陪祀賜墨賜貂皮一子承誦

第十六代

承裔

字波仙襲翰林院五經博士一子景堉

景靖字養齋別號雲峰道人應襲翰林院五經博士民國成立改奉祀官冲齡襲職性廉介陋

卷故況終身晏如光緒末年續修祖廟撥帑不足因庫欵支绌倡捐本族得竣修為人渾厚坦適從不作疾言遽色每有拂意輒默然喜靜工書畫不常作尤好古有博雅望不涉聲色貨利之場勢分氣一無之年五十有四歲無疾諱逝咸悼好人不壽云子四世鏞世鉤世鐸世錦

世鏞字冠聲號正宣應襲奉祀官

第七代

顏氏族譜

世系

十四

生于清光緒二十九年（一九零三年）旧历六月二十八日。民国七年（一九一八年）承襲复圣颜子奉祀官，主奉祀事。一九三五年由南京国民政府再次頒布，袭復圣颜子奉祀官。同年四月，代表孔德成先生參加湯島孔廟重修落成典禮。六月，在南京舉行就職典禮。一九五三年，山东省

政協任命他為山東省文史館研究員，參與整理孔府檔案並做出重要貢獻。一九七五年十二月二十日病逝，享年七十三歲。原配黃宗英，生二女一子：顏廷鳳、顏廷娟、顏廷漢。繼配侯明先，生四子二女：顏廷渭、顏廷潮、顏廷云、顏廷惠、顏廷澂、顏廷淦。

七十八代

廷汉一九三四年生于曲阜复圣府。从事教育工作十余年。一九七一年病故。娶孔祥贞，生一女一子：颜秉真、颜秉刚。

七十九代

秉刚一九六五年生于曲阜复圣府。一九八八年至一九九二年在山东大学历史系学习。曾担任曲阜市政协委员，济宁市政协常委，山东省政协常委，山东省国际文化交流协会理事，新加坡颜氏公会永久荣誉顾问，世界颜氏宗亲联谊总会荣誉会长。娶妻王梅，生一子颜培郅。

全
代

培
郅

一九九六年二月生于曲阜。加拿大英属哥伦比亚大学计算机科学博士。曾获得加拿大总督学术金奖。

顏氏族譜

世系

十五